

Қуръони Карим Аллоҳ таолонинг илоҳий китоби



13:30 / 25.06.2021 1786

Бошқирдистондаги даҳшатли ёнғин содир бўлган жойда олов тегмаган Қуръони Карим топилди. Бошқирдистоннинг Бурзянский туманининг маъмурий маркази, Старосубхангулово қишлоғида ғайриоддий воқеа юз берди. 21 июнь куни у ерда даҳшатли ёнғин содир бўлди. Бирданига иккита қишлоқ уйи бутунлай ёниб кетди. Маҳаллий аҳолининг сўзларига кўра, ёнғин оқибатида ҳеч ким жабрланмаган ва кучли алангани бартараф этишда қишлоқ аҳолиси ёрдам берган. Бир мунча вақт ўтгач куйган нарсаларнинг қолдиқларини қисмларга ажратиш бошланган. Ёрдамчилар тозалов жараёнида ҳақиқий мўъжизани топдилар - олов ва сув тегмаган Қуръони Каримни. Бу ҳақда «Комсомолская Правда» газетаси маълум қилган.



- Буни ҳаммамиз расмларда кўрганмиз, лекин мен бундай нарсаларга ишонмасдим», дейди видеони суратга олган гувоҳ. — Ҳақиқий ҳаётий мисол. Мана, ҳамма нарса бу ерда аниқ кўриниб турибди. Китоб қора ва битта саҳифаси бузилмаган. Ҳамма нарса ўқилиши мумкин, гарчи у ерда жуда кўп сув, кучли олов бўлса ҳам. Қуръони Карим Аллоҳ таолонинг илоҳий китоби.



Хуршид Маъруф тайёрлади